



**PARLIAMENT**  
OF THE REPUBLIC OF SOUTH AFRICA

## **TLHAGISA MAIKUTLO** **PILETSO YA DITHEETSO TSA SETŠHABA**

### **POTFOLIO KOMITI YA TEMOTHUO, DIKGWA LE TSHWARO YA DITLHAPI**

Go ikamagantswe le maikaelelo magolo a Palamente a go tsamaisa botsakakarolo jwa setšhaba le go amega mo ditsamaisong tsa go dira molao, Potfolio Komiti ya Temothuo, Dikgwa le Tshwaro ya Ditlhapi e tla tshwara Ditheetso tsa Setšhaba kwa Palamenteng ka ga Mametlelelo ya Molaotlhommo wa Dikuno tsa Nnotagi [B10 – 2016], Mametlelelo ya Molaotlhommo wa Dikgwa tsa Bosetšhaba [B11 – 2016] le Mametlelelo ya Molaotlhommo wa Melelo ya Tlhaga le Dikgwa tsa Bosetšhaba [B22 – 2016] ka Labobedi, 15 le Laboraro, 16 Phatwe 2017.

#### **MAMETLELELO YA MOLAOTLHOMO WA DIKUNO TSA NNOTAGI [B10 – 2016]**

Mametlelelo ya Molaotlhommo wa Dikuno tsa Nnotagi [B10 – 2016] o batla go mametlelela Molao wa Dikuno tsa Nnotagi, 1989 (Molao Nr. 60 wa 1989), gore o tle o tsenye ditlhaloso tse di rileng le go mametlelela le go phimola tse dingwe; go neelana ka go tewa leina gape le go agiwa ga Boto ya Beine le Disepiriti le go lekanyetsa dithata tsa yona; go neelana ka ditlhokego tse di maleba le biri, bojalwa jwa Setso le dino tse dingwe tse di ometsweng; go fedisa motheo go lebeletse ditumelelo tse di mabapi le dikuno tse di rileng tsa nnotagi; go naya Tona dithata go tlhopho motho go rebola disetifikeiti tsa ntshetsontle; go tsamaisa metheo e e rileng le Molaotlhommo; go atolosa dithata tsa Tona go dira melao; go neelana a mareo a tekatekano ya bong; le go neelana ka merero e e golaganang le ona.

#### **MAMETLELELO YA MOLAOTLHOMO WA DIKGWA TSA BOSETŠHABA [B11 – 2016]**

Mametlelelo ya Dikgwa tsa Bosetšhaba [B11 – 2016] o batla go mametlelelo ya Molao wa Dikgwa tsa Bosetšhaba, 1998 (Molao Nr. 84 wa 1998), gore o tle o neelane ka ditlhaloso tse di tlhaloganyesegang tsa dikgwa tsa tlhago; go neelana ka kantoro ya setšhaba ya bolaodi jwa didiriswa tsa sekgwa tsa setšhaba; go oketsa go tsweliswa le go tsenngwa tirisong ga botsamaisi jo bo tswelwang jwa sekgwa; go oketsa dikgato tse di neetsweng mo Molao go laola le go baakanya kgogolego ya dikgwa; go neelana tebang le boikuelo kगतलhanong le ditshwetso tse di tserweng ka fa tlase ga dithata le ditiro kemedi; le go neelana tebang le merero e e golaganang le yona.

#### **MAMETLELELO YA MOLAOTLHOMO WA MELELO YA TLHAGA LE DIKGWA TSA BOSETŠHABA [B22 - 2016]**

Mametlelelo ya Melelo ya Tlhaga le Dikgwa tsa Bosetšhaba [B22 - 2016] o batla go mametlelela Molao wa Melelo ya Tlhaga le Dikgwa tsa Bosetšhaba, 1998 (Molao Nr. 101 wa 1998), gore o tle o mametlelele le go tsenya ditlhaloso tse di rileng; go neelana ka tsamaiso ya gore bommassepala kgotsa khansela tsa setso go tlhama mekgatlho ya tshireletso mo melelong; go pateletsa mmasepalata, dikgwebo tsa puso, ditheo tsa setšhaba kgotsa lephata lengwe le lengwe la Puso leo e leng mong lefatshe go tsenela mekgatlo ya tshireletso mo melelong; go atolosa dithata tsa tsenelo, batlisisa, tsaya le go tshwara go baofisiri ba kagiso le baeteledipele ba setso; go mametlelela sethogosa Molao go Molao wa Melelo ya Tlhaga ya Bosetšhaba; le go neelana ka merero e e golaganang nao.

**Bang ba ba nang le kगतलhego le ditlhopha tse di nang le kगतलhego mme di eletsa go tshwaela ka ga Molaotlhommo e e umakilweng fa godimo ba kopiwa ka tswetswee go romela ditshwaelo tse di kwadilweng go Potfolio Komiti pele ga Labotlhanano, 04 Phatwe 2017. Baamegi ba ba nang le kगतलhego ya go dira tshwaelo ka molomo le bona ba kopiwa go dira kopo kgotsa ba ikgolaganye le kantoro ya rona pele ga Labotlhanano, 04 Phatwe 2017.**

Dikgolaganano tsotlhe di tshwanetse go romelwa go **Ms Machwene Rosina Semenya**, Modulasetilo wa Potfolio Komiti ya Temothuo, Dikgwa le Tshwaro ya Ditlhapi go amogelwa ke **Ms Albertina Kakaza**, PO Box 15, Parliament of South Africa, Cape Town, 8000 kgotsa ka imeile go [akakaza@parliament.gov.za](mailto:akakaza@parliament.gov.za) kgotsa fekese: **086 694 3529**, mogala: **(021) 403 3765** kgotsa **083 709 8391**.

**E rebotswe ke: Ms Machwene Rosina Semenya, MP Modulasetilo wa Potfolio Komiti wa Temothuo, Dikgwa le Tshwaro ya Ditlhapi.**

**Parliament. Making Democracy Work**

[www.parliament.gov.za](http://www.parliament.gov.za)